

## Piremõ Pawre kot Piremõ hwÿr kagà nē mēnh

Pawre na pre kagàja nhÿpêx nē hkràmnhwÿ Piremõ hwÿr kumē. Na pre Piremõja amnhÿm kām àpênh xwÿnh Onesti japrô. Kàxpore ho haprô nhÿm amarÿ kām àpênh o pa. Tã tanhmã hamaxpêr to nē hkaga nē ma umaj krÿ hō hwÿr hprôt nē tēn amÿxu nē kamã pa ho pa. Hãmri nē Pawre pumu nē kām amnhÿ jarē. Pawre arÿ kēp prês nē hkrÿ ho hkrÿ nhÿm Onesti omu nē kām amnhÿ jarē. Hãmri nhÿm Pawre kām Jejus jarē nhÿm kuma nē hkôt amnhÿ xãm kurê kumrêx. Hãmri nhÿm Pawre ja hã omu nē hkràmnhwÿ Piremõ mã kagà nhÿpêx nē kamã Onesti xyr pē kām kapêr. Hãmri nē hipêx pa nē Onesti mã kugō nē ma akupÿm õ patrãw Piremõ wÿr kumē nhÿm ma mō. Nhÿm Pawre kagàja kamã kām kapêr nē kām:

<sup>1</sup> Pa ixkràmnhwÿ Piremõ? Xà amex? Ixpê Pawre na pa awÿr kagà nhÿpêx nē kumē. Apê Kris kôt ixtō hã inhmã akÿnh. Na ka hte ixpyrà nē Kris mã tanhmã amnhÿ nhÿpêx to ho apa. Ta ot pa awÿr kagàja kamã ixpêr mē. <sup>2</sup> Amã nē anhōrkwÿ kamã Tÿrtÿm kapêr mar kaxyw mē kēp Jejus kwÿ hã mē pikuprōnh xwÿnhjê hwÿr. Nē Kris kôt pahōx Apti mē Akip wa hwÿr kumē. Akipja na hte mē pah-pyrà nē Pahihti Jejus mã tanhmã amnhÿ nhÿpêx to ho pa.

<sup>3</sup> Na pa hte mē ato Mēpanhÿpêêxà maati Tÿrtÿm mē Pahihti Jejus Kris wa hwÿr rãhã ho ri ixpa. Kot

mẽmoj to mẽ akutã nojarêr rãhã nhũm wa ÿ hã mẽ  
ajamakêtkati nẽ axàmnhĩx apa ho apa kaxyw.

*Pawre kot Piremõ nhỹ hã hkĩnh ã harẽnh*

<sup>4-5</sup> Na pa pre ajarẽnh ma Piremõ. Na htem xatã  
tanhmã inhmã ajarẽnh to nẽ ajarẽnh o:

—Hêxta waa nẽ. Piremõ na hte amnhĩ kaxyw  
Pahihti Jejus Kris kôt hamaxpêr tỳx nẽ kãm mẽ  
ixpê Kris kôt hkwỳjê piitã hkĩnh pê tanhmã mẽ ixto  
mex to ho ri mẽ ixkôt pa.

Anhỹr o inhmã ajarẽ pa mẽ kuma nẽ anhỹ hã  
ixkĩnh nẽ ato Tĩrtũm wỳr rãhã ho ixpa nẽ ato hwỳr  
o:

—Pa Tĩrtũm. Na xep hte Piremõ kãm akĩnh tỳx  
nẽ akwỳjê ho mex rãhã ho pa. ãm hãmri na hte ã  
mẽ hipêx anhỹr o pa. <sup>6</sup> Na xep mẽ piitã mẽ kãm  
tanhmã Jejus kot mẽ inhnê amnhĩ nhĩpêx to hã  
harẽnh o ri mẽ hkôt pa. Jakamã kêr ka tanhmã mẽ  
kot mar xwỳnhjê hkrã hto kê mẽhprĩ hã mar tỳx nẽ  
Kris kot tanhmã mẽ ho mex to hã amnhĩ tã omu.

Anhỹr o ato kuwỳ. <sup>7</sup> Ate Kris kwỳjê ho mex o  
apa jakamã te ate pa ixto mex pyrãk Piremõ. Na  
htem anhỹ hã hkĩnh nẽ pa. Pa ijaxwỳja ajarẽnh ma  
nẽ anhỹ hã ixkĩnh tỳx nẽ jar mẽ hagjênh xà kamã  
ixkrĩ.

*Piremõ kot Onesti kamã ukapri hã Pawre kot  
kãm karõ*

*Rõmãn 15.7; Epes 4.31*

<sup>8</sup> Nà ixte amã mẽmoj jarẽnhja tanhmã kute hkêr.  
Kot paj ãm amã mẽmoj jarẽ nẽ hã awỳ. Nom kot paj  
Kris nhỹ hã amã tanhmã hã karõ hto hkêr nẽ. <sup>9</sup> Kot  
paj ãm pahte axpên to pahkràmnhwỳ hã hã awỳ. Ra  
ixwej tỳx nẽ Kris ã arĩ mẽ hagjênh xà kamã ixkrĩ

htã mēmõj tã awỳ ka inhma nẽ inhmã ho anhỳr japêr ko.

<sup>10</sup> E amã àpênh xwỳnh Onestija na ixte amã harênh kaxyw. Na pre man ixwỳr mō. Ixpê prês nẽ ixkrĩ nhũm ixwỳr mō. Pa omu nẽ kãm Jejus jarẽ nhũm inhma nẽ pahpyrà nẽ amnhĩ kaxyw hkôt hamaxpêr nẽ hkôt amnhĩ xãm. Jakamã te kêp ixkra pyræk. Hãmri nẽ ixto ajuta mex o pa. <sup>11</sup> Xep kormã Jejus kôt amnhĩ xãm kêt ri na pre amã àpênh mex kêt nẽ. Nẽ kãm kaga nẽ htỳx ri tanhmã àpênh to ho pa. Tã ra Jejus kôt amnhĩ xãm hãmri nẽ katát kôt inhmã àpênh mex o pa. Nẽ ixto ajuta mex nẽ. Koja akupỳm amã apê hãmri nẽ amã àpênh mex nẽ.

<sup>12</sup> Jakamã ot pa akupỳm awỳr kumẽ ixkràmnhwỳ. Nom inhmã hapê jakamã koja ma akupỳm mō pa ho ama nẽ. Tã kot paj akupỳm awỳr kumẽ. <sup>13</sup> Kot jar ixri arĩk nẽ apãnhã tanhmã ixto ajuta hto ho paja na inhmã hprãm. <sup>14</sup> Jakamã kot kaj amã akupỳn ixwỳr mênh prãm nẽ mãmri ixwỳr amẽ. Nom ixte ja pumunh kêt. Kam nẽ amã hprãm xà hkôt tanhmã kãm akapêr to. Kãm anẽ kê akuri arĩk nẽ amã àpênh o pa rỳ akupỳn ixwỳr amẽ. <sup>15</sup> Nom konên. Mãn akupỳm awỳr mōr nẽ kêp Kris kôt akwỳ hã amã àpênh mex kaxyw na pre Tĩrtũm ixwỳr kumẽ nhũm ixwỳr mō nẽ ixri Jejus kôt amnhĩ xãm nẽ ixri pa hã mytwrỳ hkwy hapêx pa akupỳm awỳr kumẽ. <sup>16</sup> Nom ra kêp amã àpênh xwỳnh pix kêt mãânên kêp Kris kôt atōō. Jakamã kot kaj wa atar axpên kôt Pahihti Jejus kôt tãm amnhĩ nhĩpêx o ri apa. Nom mãânên kêp ixkràmnhwỳ mex ã inhmã hapêê. <sup>17</sup> Jakamã kot

kaj ixpê Kris kôt akràmnhwỳ hã ijarẽ hã kot kaj mǎãnhẽn inhmã ho mex o apa.

<sup>18</sup> Nẽ wam amã àpênh o pata ã mǎn pre apê mêmoj to ahkĩ rỳ akàxpore hkwỳ ho ahkĩnh japêr. Tã pa kot paj hpãnhã amã amnhĩre. Ka inhmã tanhmã kàxpore jarẽnh to pa amã amnhĩre. <sup>19</sup> Ixpê Pawre kot paj tanhmã kot ato tewẽn toja pãnhã amã amnhĩre. E pa amnhĩ nhĩhkra ho ã amã amnhĩ jarẽnh ã kagà anẽ. Nom ajaxwỳja na ka tanhmã ixto tewẽn to Piremõ. Na pa pre amã Jejus kot mẽ panê htyk ã harẽ ka pre inhmar xà hkôt hkôt amnhĩ xãm. Jao ixpyrà nẽ atĩr tũm nẽ apa ho apa mã xwỳnhta pãnhã te ate ixto tewẽn pyræk.

<sup>20</sup> E kwa ixkràmnhwỳ. Ixpyrà nẽ apê Kris kwỳ jakamã kêr ka ixkamã axukapĩ hã inhmã Onesti ho mex nẽ. Kêr pa ja hã ajarẽnh ma nẽ ixkĩnh nẽ tãm ijamaxpêr. <sup>21</sup> Nà ra ixte apumunh mex kênã. Kot kaj ixte hã awỳrta kôt hipêx. Ja kaxyw na pa amã kagàja nhĩpêx nẽ awỳr kumẽ. Nom kot kaj ãm ja pix ho anhỹr kêt nẽ. Kot kaj ixte hã awỳrja kôt amnhĩ krã hkôt tanhmã ho mex to. Nà kot kaj ho anẽ.

*Pawre kãm Piremõ hwỳr mõi nẽ omunh prãm ã harẽnh*

<sup>22</sup> Nẽ Tĩrtũm kot mẽ awỳr inhmẽnh kaxyw mẽ ate ixto hwỳr o apa jakamã koja apu tokyx ma mẽ awỳr inhmẽ. Jakamã kwa kêr ka ixkutêp tanhmã mêmoj to mex to. Kêr pa mẽmo arĩgro hã mõi awỳr pøj ka ra ixkutêp tanhmã amnhĩ to hpa nẽ ãm ixpìx kãm ajamak o apa.

<sup>23</sup> Nẽ ota Epasja awỳr hpêr mẽ. Na hte ixpyrà nẽ Jejus Kris ã mẽ hagiênh xà kamã kêp prês nẽ

hkrĩ ho hkrĩ. <sup>24</sup> Nẽ Makre nõ Aristak nõ Tẽmti nõ Rukre mẽ awỳr hpẽr mẽ. Na htem ixpyrà nõ Kris mã tanhmã amnhĩ nhĩpêx to ho pa nom ixrom mẽ kêp prês kêt.

<sup>25</sup> E kê Pahihti Jejus Krisja akutã nojarêr rãhã ho pa. Ta ãm ja pix. Ixpê Pawre na pa amã kagà nõ awỳr kumẽ.

**Tĩrtũm kapēr ã kagà nyw**  
**New Testament in Apinayé (BR:apn:Apinayé)**

copyright © 1999 Wycliffe Bible Translators, Inc.

Language: Apinayé

Translation by: Wycliffe Bible Translators, Inc.

Apinayé [apn], Brazil

**Copyright Information**

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Apinayé

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 21 Feb 2024 from source files  
dated 29 Jan 2022

383a4e22-34cd-505f-9cc2-2f9921e7aa9f